



Finansira
Evropska unija



JAVNI POZIV

ZA ODABIR KORISNIKA/CA POMOĆI ZA PODRŠKU POLJOPRIVREDNIM PROIZVOĐAČIMA I DOMAĆINSTVIMA POGOĐENIM POPLAVAMA 2024. GODINE NA PODRUČJU OPĆINA/GRADOVA: JABLANICA, KONJIC, KREŠEVO, KISELJAK, FOJNICA, VAREŠ, MOSTAR I DRVAR

I PREDMET JAVNOG POZIVA

Predmet javnog poziva je odabir korisnika/ca pomoći za podršku poljoprivrednim proizvođačima i domaćinstvima pogođenim poplavama u oktobru 2024. godine u okviru **EU Projekta podrške oporavku od poplava u Bosni i Hercegovini**, koji finansira Evropska unija, a implementira Razvojni program Ujedinjenih nacija (UNDP) u Bosni i Hercegovini (BiH) u partnerstvu sa Međunarodnom organizacijom za migracije (IOM).

II OPĆE INFORMACIJE

Projekat podrazumijeva hitne intervencije na polju sanacije šteta uzrokovanih elementarnim nepogodama koje su pogodile južnu i centralnu Bosnu i Hercegovinu 2024. godine. Projekat je usmjeren na trajno stambeno zbrinjavanje i ekonomsko osnaživanje žrtava poplava i klizišta, kroz izgradnju i sanaciju stambenih objekata, te sanaciju javnih ustanova i osnovne komunalne infrastrukture. Nadalje, Projekat će pružiti podršku poljoprivrednim proizvođačima, te mikro, malim i srednjim preduzećima u ponovnom uspostavljanju poslovanja.

Cilj podrške, koja je predmet ovog javnog poziva, je oporavak i ekonomsko osnaživanje poljoprivrednih proizvođača i domaćinstava pogođenih poplavama kroz pakete prilagođenih intervencija, te jačanje otpornosti poljoprivrednih proizvođača na buduće slične katastrofe.

Projekat, zajedno sa partnerskim jedinicama lokalne samouprave, poziva sve zainteresirane poljoprivredne proizvođače i domaćinstva, koji ispunjavaju kriterije javnog poziva, da podnesu prijavu za učešće u Projektu.

JAVNI POZIV JE OTVOREN OD 7. APRILA DO 6. MAJA 2025. GODINE.

III SMJERNICE ZA PRIJAVU

Prijavu na javni poziv mogu podnijeti vlasnici poljoprivrednih gazdinstava kao i punoljetni članovi domaćinstava koja su tokom poplava u oktobru 2024. godine pretrpjela štete na poljoprivrednom zemljištu, usjevima, poljoprivrednoj opremi ili objektima.

Obaveza podnosilaca prijave je da osiguraju potrebne uslove za uspješnu realizaciju paketa podrške (pogodno poljoprivredno zemljište, pristupni put, snabdijevanje vodom i sl.), najkasnije u roku od 30 dana od objave finalne liste korisnika. U slučaju neispunjavanja ovog uslova, podnosioci prijave će biti isključeni iz daljeg postupka.



**Finansira
Evropska unija**



Formular za prijavu se može preuzeti na sljedećim lokacijama:

- Prostorije općine/gradske uprave;
- Web stranice općina/gradskih uprava, www.ba.undp.org i <https://bih.iom.int>.

Tražene podatke u formularu za prijavu treba ispisati čitko štampanim slovima.

Uz formular za prijavu, podnositelji su dužni dostaviti i svu potrebnu prateću dokumentaciju kojom dokazuju svoj status, kako je navedeno u stavu VI Javnog poziva, a po osnovu koje će se vršiti bodovanje.

Prijave se predaju u prostorijama općine/gradske uprave.

Podnositelju/ici prijave koji/a u predviđenom roku preda aplikaciju, biti će izdata pisana potvrda o prijemu dokumentacije od strane općinske/gradske službe koja će istu adekvatno zapečatiti i staviti naznaku „PRIJAVA NA JAVNI POZIV – PROJEKAT ZA OPORAVAK OD POPLAVA – NE OTVARATI“. Dobivenu potvrdu je neophodno sačuvati kao dokaz o prijavi na javni poziv.

Neposredno nakon objave javnog poziva Projekat će organizovati informativne sesije tokom kojih će se prezentirati najvažniji aspekti javnog poziva. Datumi i termini informativnih sesija će biti naknadno objavljeni na web stranicama www.ba.undp.org, <https://bih.iom.int>, te na web stranicama općina/gradskih uprava.

Tačnost informacija navedenih u prijavama će biti detaljno provjerena u administrativnom i terenskom postupku.

Netačne i neblagovremeno pristigle prijave se neće uzimati u obzir.

IV KRITERIJI ZA ODABIR KORISNIKA

1. OPĆI KRITERIJI

Zaprimljene prijave kroz ovaj javni poziv će se evaluirati na osnovu niže opisanih općih i dopunskih kriterija.

U cilju ispunjavanja općih kriterija, potrebno je da podnosioci prijave dokažu sljedeće:

1.1 Šteta na poljoprivrednom zemljištu, poljoprivrednim objektima, opremi, stočnom fondu ili usjevima u vlasništvu/upotrebi podnosioca prijave nastala je usljed poplava i klizišta u oktobru 2024. godine na području jedinica lokalne samouprave: Konjic, Jablanica, Kreševo, Kiseljak, Fojnica, Vareš, Drvar i Mostar.

1.2 Podnositelj prijave niti članovi njegovog/njenog domaćinstva nisu primili pomoć od strane drugog donatora za isti paket podrške za koji se prijavljuju u okviru ovog javnog poziva.

Opći kriteriji su eliminatorni i obavezujući za sve potencijalne korisnike pomoći.



**Finansira
Evropska unija**



2. DOPUNSKI KRITERIJI

U ocjenjivanju prijava, Projekat će uzeti u obzir i sljedeće dopunske kriterije koji se koriste za bodovanje dostavljenih prijava.

- 2.1 Domaćinstvo je u stanju socijalne potrebe;
- 2.2 Domaćinstvo je u nepovoljnoj socijalnoj/ekonomskoj situaciji;

Prijave koje su zadovoljile administrativnu provjeru i ispunile opće kriterije ocjenjuju se na osnovu sistema bodovanja navedenog u nastavku:

KRITERIJ	BODOVANJE
Broj članova domaćinstva	do 2 člana=1 bod
	3-5 članova=2 boda
	više od 5 članova=3 boda
Broj nezaposlenih punoljetnih članova domaćinstva	1 član=1 bod
	2 člana=3 boda
	3 i više članova=5 bodova
Član domaćinstva je redovni univerzitetski student	1 član=1 bod
Član domaćinstva je osoba sa invalidetom	1 član=2 boda
Domaćinstvo je korisnik socijalne pomoći, stalne novčane pomoći ili socijalnih prihoda po osnovi socijalne zaštite, kućne njege ili pomoći iste ili slične kategorije	2
Nosilac domaćinstva je samohrani roditelj usvojitelj ili staratelj	3
Domaćinstva bez stalnih novčanih primanja (uključujući i prihode po osnovu socijalne zaštite)	3
Nosilac poljoprivrednog gazdinstva/domaćinstva je žena	2

V POTREBNA DOKUMENTACIJA

1. DOKUMENTACIJA NEOPHODNA ZA ISPUNJAVANJE OPĆIH KRITERIJA

Podnosioci prijave trebaju da dostave sljedeću dokumentaciju uz svoje prijave:

- 1.1 Popunjen formular za prijavu;
- 1.2 Potvrda od nadležne općinske/gradske službe o šteti na poljoprivrednom zemljištu, poljoprivrednim objektima, opremi, usjevima ili stočnom fondu u vlasništvu/upotrebi podnosioca prijave, nastaloj tokom elementarnih nepogoda u oktobru 2024. godine;
- 1.3 Ovjerena izjava da osoba koja se prijavljuje na javni poziv, kao i članovi njegovog/njenog domaćinstva, nisu primili pomoć od strane drugog donatora za isti paket podrške za koji podnose prijavu u okviru ovog javnog poziva.



**Finansira
Evropska unija**



2. DOKUMENTACIJA NEOPHODNA ZA DOKAZIVANJE STATUSA I BODOVANJE

Sva dokumentacija neophodna za dokazivanje statusa i bodovanje ne može biti starija od 60 dana od dana objave javnog poziva.

- 2.1 Ovjerena kućna lista;
- 2.2 CIPS prijava za svakog od članova domaćinstva;
- 2.3 Potvrda o prijavi na evidenciju Službe za zapošljavanje ili uvjerenje iz Porezne uprave FBiH ili FZ PIO/MIO da se osoba ne nalazi u evidencijama navedenih institucija (za svakog nezaposlenog člana domaćinstva);
- 2.4 Potvrda o studiranju izdata od strane nadležne visokoškolske institucije (ukoliko je član domaćinstva student);
- 2.5 Potvrda o invalidnosti izdata od strane nadležne institucije (ukoliko je član domaćinstva osoba sa invalidetom);
- 2.6 Potvrda o korištenju socijalne pomoći, stalne novčane pomoći ili socijalnih prihoda po osnovi socijalne zaštite, kućne njege ili pomoći iste ili slične kategorije, izdata od strane nadležne institucije (ukoliko je primjenjivo);
- 2.7 Dokaz o jednoroditeljskoj poziciji, usvojenju ili starateljstvu (ukoliko je primjenjivo);
- 2.8 Ovjerena izjava da je domaćinstvo bez stalnih novčanih primanja (uključujući i prihode po osnovu socijalne zaštite);
- 2.9 Potvrda o upisu u Registar poljoprivrednih gazdinstava (primjenjivo samo za registrovana gazdinstva);

VI PROCES ODABIRA

Odabir korisnika/ca provodi Komisija za odabir, sačinjena od predstavnika/ca općine/gradske uprave i mjesnih zajednica, Centra za socijalni rad, organizacija civilnog društva, UNDP-a u BiH i IOM-a.

Proces odabira će se odvijati u dvije faze:

1. Pregled pristiglih prijava, provjera administrativne usklađenosti i ispunjenosti općih kriterija

Po zatvaranju javnog poziva, Komisija za odabir provjerava ispravnost zaprimljenih prijava, provodi pregled dostavljene dokumentacije i provjerava njihovu usklađenost s općim kriterijima.

Samo podnesene prijave koje ispunjavaju opće kriterije će biti predmet daljeg razmatranja.

Nakon izvršene provjere usklađenosti općih kriterija, Komisija će izvršiti bodovanje prihvatljivih prijava u skladu sa tabelom navedenom u dijelu *IV Kriteriji za odabir korisnika, 2. Dopunski kriteriji*.



Finansira
Evropska unija



2. Terenska verifikacija

Komisija za odabir izvršit će terenski obilazak svih podnosilaca prijave koji su prošli inicijalnu provjeru i ispunili opće kriterije javnog poziva, kako bi potvrdili podudaranje informacija navedenih u prijavi i stvarnog stanja na terenu.

Po završenoj terenskoj verifikaciji Komisija će objaviti preliminarnu listu u skladu sa podacima utvrđenim na terenu.

Na preliminarnu listu će biti uključeno do 5 podnosilaca prijave sa najvećim brojem bodova iz svake od osam jedinica lokalne samouprave obuhvaćenih ovim javnim pozivom. Sve preostale prijave će formirati zajedničku rang listu na osnovu ostvarenog broja bodova. Pomoć će se realizovati do utroška sredstava namijenjenih za ovu vrstu podrške, pri čemu će se dati prednost podnosiocima prijave sa ostvarenim većim brojem bodova.

U slučaju kada dva ili više podnosilaca prijave imaju jednak broj bodova, prednost će se dati onom koji je ostvario bodove prema kriteriju „*Domaćinstva bez stalnih novčanih primanja*“. U slučaju kada dva ili više podnosilaca prijave imaju jednak broj bodova i prema prethodno navedenom kriteriju, prednost će se dati onom koji je ostvario više bodova prema kriteriju „*Broj nezaposlenih članova domaćinstva*“.

Preliminarna lista odabranih korisnika/ca bit će objavljena na oglasnoj ploči općine/gradske uprave, mjesnih zajednica, te na web stranicama općina/gradskih uprava, www.ba.undp.org i <https://bih.iom.int>.

Na rezultate preliminarne liste podnosioci prijave mogu uložiti prigovor, uz odgovarajući dokaz, u roku od 7 dana od dana objave preliminarne liste. Prigovori se predaju u prostorijama općinske/gradske uprave u pisanoj formi. Za svaki zaprimljeni prigovor općinska/gradska služba je dužna izdati potvrdu o prijemu dokumenta. Dobivenu potvrdu je neophodno sačuvati kao dokaz o uloženoj žalbi.

Komisija za odabir će obavijestiti podnositelja/icu prigovora o donesenoj odluci po prigovoru pismenim putem i utvrditi konačnu rang listu odabranih korisnika/ca u roku od 14 dana po isteku žalbenog roka.

Konačna lista odabranih korisnika/ca će biti objavljena na oglasnoj ploči općine/gradske uprave, Centra za socijalni rad, mjesnih zajednica, te na web stranicama općina/gradskih uprava, www.ba.undp.org i <https://bih.iom.int>.

Na konačnu listu odabranih korisnika neće biti moguće uložiti prigovor.

Sve prijave će se tretirati sa strogom povjerljivošću, dok će sva dokumentacija po okončanju postupka odabira biti pohranjena i čuvana u povjerljivosti.



**Finansira
Evropska unija**



VII ODLUKA O DODJELI PODRŠKE I POTPISIVANJE UGOVORA

Nakon objave konačnih rezultata ovog javnog poziva, odabrani korisnici će potpisati ugovore o dodjeli paketa podrške sa jedinicama lokalne samouprave. Isporuka paketa podrške biće organizovana na unaprijed dogovorenim lokacijama na području pojedinih jedinica lokalne samouprave, sa izuzetkom plastenika koji se postavljaju na pojedinačne parcele.

VIII VRSTE PAKETA PODRŠKE

Podnosioci prijava na javni poziv se mogu prijaviti za najviše jedan osnovni i jedan dopunski paket podrške. Detaljan sadržaj paketa podrške je sadržan u Aneksu 1 javnog poziva.

Osnovni paketi podrške su:

1. Plastenik 50 m²
2. Plastenik 100 m²
3. Poljoprivredna mehanizacija
4. Oprema za pčelarstvo

Dopunski paketi podrške su:

1. Repromaterijal za biljnu proizvodnju
2. Repromaterijal za stočarsku proizvodnju
3. Sistem za navodnjavanje
4. Protivgradna mreža
5. Repromaterijal za pčelarstvo

Komisija za odabir korisnika će tokom procesa terenske verifikacije utvrditi da li podnosilac prijave ispunjava uslove za dodjelu traženog paketa podrške, te u određenim slučajevima i u najboljem interesu korisnika i Projekta predložiti zamjenski paket.

Podrška ne uključuje doniranje finansijskih sredstava odabranim korisnicima.

Svim korisnicima će biti omogućeno korištenje stručne savjetodavne pomoći u poljoprivrednoj proizvodnji tokom realizacije Projekta.